



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Caput IV. De infidelitate & vitiis fidei oppositis.

urn:nbn:de:hbz:466:1-42634

tholicis, dummodo nihil promittant contra fidem aut bonos mores. ita *Leff. Arsdek.* q. 33.

Plura his affinia addentur à n. 95. Et speciatim circa occultationem fidei per gestationem vestium, esum carnium &c., de quibus *Busenb.* habet breviter, videri possunt *Lug.* d. 14. f. 5. *Pennaf.* d. 9. f. 4. *Ov. cont.* 8. p. 4. & seqq. *Castrop.* d. 1. p. 17. *Dian.* p. 5. t. 7. R. 33. 34. videndus tamen simul *Veriuys* a. 11.

C A P U T I V.

De infidelitate, & vitiis Fidei oppositis.

D U B I U M I.

Quid, & quotplex sit infidelitas.

71 "R esp. I. Infidelitas generatim est triplex. Prima dicitur Negativa, eorum scilicet, qui nihil unquam de fide audiverunt. Quæ non tam est peccatum, quam poena peccati; quia si fecissent, quod in ipsis erat, Deus fidem eis non abscondisset. Secunda dicitur contraria, eorum scilicet, qui fidem sibi sufficienter propositam vel contemnunt, vel ei contradicunt pertinaciter; ut hæretici. Tertia dicitur privativa, quæ privativè opponatur fidei; & est culpabilis ignorantia, vel error circa res fidei. *S. Tho. Sanch. Vasq. Lay. l. 2. t. 1. c. 12.*

"Resp. II. Infidelitas Contraria, ex triplici modo repugnandi fidei, est triplex, scilicet Paganismus, qui fidei nondum suscepτæ; Iudaismus,

mus, qui fidei susceptæ in typo; & Hæresis, quæ[”]
fidei susceptæ in veritate, repugnat. Apostasia à[”]
fide revocatur ad hæresin, à qua tantum differt,[”]
quod Hæresis sit error fidei ex parte tantum[”]
contrarius; Apostasia vero ex toto. *S. Thom.*[”]
Laym. l. c.

ADDENDA.

Q: 16. Quandonam deficiat fides in aliquo. R: Re- 72
jectis erroribus, dicemus, quod verum est:

§. 1. Lutherus docuit fidem amitti per quodlibet peccatum mortale, sed damnatur à *Trid.*
sess. 6. c. 15. Alii putariunt, si desit charitas etiam
deesse fidem, sic *Jansenius I. 5.* de gratia Christi *c.*
6. col. 5 10 ait nullam *Augustinus agnoscit fidem ve-*
ram atque christianam, nisi ex Dei charitate dimanet.
Repetit *c. 7. col. 5 16:* *nisi amor fleat hominem ad*
credendum, non esse veram fidem christianam. Similia
habent alii Doctores Lovanienses: sed *Contra est,*
vel loquuntur de fide habituali, vel de actuali; si
de habituali, damnantur in *Trid. Can. 28.* *si quis*
dixerit amissam per peccatum gratiam (: seu charitate:)
similiter fidem semper amitti; aut fidem, quæ remanet,
non esse veram fidem, licet non sit viva; aut eum, qui fi-
dem sine charitate habet, non esse christianum, anathe-
ma sit. Si loquantur de actuali, damnantur ab A-
postolo. *1. ad Cor. 13., si habuero omnem fidem, ita*
ut montes transferam, charitatem autem non habuero,
nihil mihi prodest. Hinc *S. Aug. 1. 15. de Trin. c. 18.*,
fides juxta *Apostolum* sine charitate esse potest. Da-
mnantur etiam ab *Alex. VIII.* in hac propositio-
ne 12: *quando in magis peccatoribus deficit omnis a-*
mor, deficit etiam fides; & etiam si videantur credere,
non est fides divina sed humana. Ratio est, quia po-

test homini non habenti Charitatem evidenter proponi authoritas Dei interposita, v. g. pro Incarnatione, hic homo poterit ex eo motivo firmissimè assentiri, assensus autem ille non erit nisi fidei divinæ, cùm moveatur authoritate Dei, ergo sine Charitate potest dari assensus fidei divinæ. Idem apertè significat *Trid. c. 6.*, ubi expōnens modum, quo etiam magni peccatores disponuntur ad justificationem, dicit primò excitari ad fidem ex auditu concipiendam, tum terri metu pœnarum, deinde per spem converti ad Dei misericordiam, denique incipere illum diligere tanquam omnis justitiae fontem ergo ex mente *Trid. prius creditur*, quām diligatur Deus.

73 §. 2. Fides amittitur per peccatum infidelitatis, uti habet *Trid. c. 15.*; per infidelitatem autem communius intelligitur peccatum mortale, quod est directè contra fidem, & opponitur objecto formalī illius: Unde probabile est non amitti per ignorantiam fidei etiam crassam & affectatam, quamvis per eam peccetur mortaliter contra fidem, quia non est simpliciter infidelitas opposita objecto formalī fidei.

74 Q: 17. *An omnes actiones Infidelium sunt peccata.*
 Rx. Id docuit *Jans. I. 3. de gratia Christi c. 2. col. 306.* probavimus fusè in præcedentibus nullum opus, quod non sit peccatum, ab infidelibus posse fieri. Idem habet c. 21. col. 306. secuti sunt *Sinnichius & alii:* sed *Contrà est*, nam inter propositiones Bajanæ damnatas à *Pio V. Greg. XIII. Urb. VIII* est hæc 25; *omnia opera Infidelium sunt peccata, & Philosophorum virtutes sunt vitia*: Erat autem aliquorum fundamentum, quia omnis actio peccatoris est peccatum, sed inter easdem Bajanæ damnatas

est

est hæc 35. omne, quod agit peccator vel servus peccati, peccatum est. 40: *In omnibus suis actibus peccator servit dominanti cupiditari.* Similiter inter damnatas ab Alex. VIII hæc est 8:, necesse est *Infidelem in omni opere peccare.* Conatur quidem Sinnichius ostendere aliqua opera Infidelium posse esse bona, eò quod possit eis lux à Deo immitti, per quam ad Deum opus dirigant, sed neque hoc negat Bajus, in cuius sensu damnata est propositio: itaque dicendum, non omnia opera Infidelium esse peccata, quia possunt ex fine honesto elicere actus, v.g. succurrere miseris, obedire Parentibus &c., quæ nemo prudens dicet esse peccata: hinc inter Bajanis damnata est hæc 37:, cum Pelagio sentit, qui boni aliquid naturalis, hoc est, quod ex naturæ solis omnibus ortum dicit, agnoscit.

Opponunt S. Aug. l. 4. contra Julia: c. 3., qui 75 Juliano quærenti, si Gentilis nudum operuerit, nunquid quia non est ex fide, peccatum est? respondet: *prorsus in quantum non est ex fide, peccatum est, non quia per se ipsum factum, quod est nudum operare, peccatum est, sed de tali opere non in Domino glorificari, solus impius negat esse peccatum.* R. S. Thom. 2. 2. q. 23. a. 7. ad 1. rectè sic explicat, actus Infidelis, in quantum est Infidelis, semper est peccatum, etiam si nudum operiat vel quidquid aliud hujusmodi faciat, ordinans ad finem suæ infidelitatis. Similiter S. Aug. eo sensu virtutes Philosophorum vocat vitia, quo opus carens fine debito & necessario dicitur defectuosum seu vitiosum.

Q: 18. An certum sit, quod infidelitas pure negativa sit inculpabilis. R. Esse certum, nam etiam inter Bajanis est hæc 68. *Infidelitas pure negativa in his, quibus Christus non est praedicatus, peccatum est.*

E 5

Ratio

Ratio autem est, quia certum est omne peccatum debere esse voluntarium, ergo cum infidelitas negativa nullum habeat adjunctum actum voluntatis, qui intendat vel negligat eam removere, certum est non esse peccatum. Quæ contraria objici possent, abundè soluta sunt I. i. à n. 720. & 727.

77 Q. 19. *Quam potestatem habeant Ecclesia & Principes Catholicæ circa Infideles.* R². §. 1. Ecclesia secundum Cap: *Gaudemus*, de divortiis, non habet directam potestatem in Infideles non baptizatos, nam Christus dedit Petro potestatem tantum in Oves ingressas ovile, ideoque etiam *Trid. f. 14. c.* 2. dicit Ecclesiam non posse in illos exercere Judicium, secundum illud *1. ad Cor. 2. quid mihi de iis, qui foris sunt, judicare?* & consequenter nec poterit eos punire. *Si Dicas*, posse defendi jus innocentis & vindicari injuriam ipsi factam, ergo etiam posse Ecclesiam defendere jus, quod habet Deus, ne offendatur, & vindicare injuriam per peccatum factam. R². Tum tantum potest defendi jus & vindicari injuria innocentis, quando innocens hoc vult, vel saltem permittit; Deus autem potens ipsem defendere & vindicare, id non permittit hominibus passim, ne dentur occasionses perpetuorum bellorum & confusorum.

78 §. 2. Omnes baptizati possunt etiam per penas adigi ad fidem catholicam profitendam, sunt enim subditi Ecclesiæ, maximè quoad ea, quæ salutem spectant. *Nec obstat*, quod fortè nunquam crediderint, nam re ipsa per baptismum ingressi sunt Ecclesiam, & subjecerunt se ejus potestati ac legibus. Econtra non baptizati, nec subjecti

Prin-

Principibus fidelibus , non possunt cogi ad fidem, quod enim Christus Luc. 14. voluerit invitatos compelli intrare , explicat S. August. de hæreticis , in quos jurisdictionem habet Ecclesia.

§. 3. Cogi possunt non baptizati, ut ne impediant prædicationem fidei , ad quam per universum mundum prædicandam jus à Christo accepit Ecclesia Math. & Marc. ult. Probabilius quoque est cum Suar. Hurt. Arr. Lug. d. 9. n. 54. Heli: d. 9. q. 4. posse non baptizatos , v. g. Judæos à Principe fideli cogi ad audiendam prædicationem fidei Christianæ , sic enim coguntur Romæ per Constit: 9: Greg. XIII. Sancta Mater Ecclesia. Ratio est , quia Princeps potest mandare , quæ sunt licita & honesta , ac conducunt ad politicam gubernationem , seu ad concordiam & pacem communem , quale quid est communis professio ejusdem veræ Religionis : Unde & poterit Princeps prohibere eis omne exercitium falsæ Religionis. An autem possit directè cogere ad fidem, dubium est , negant S. Thom. q. 10. a. 1. & 12. Suar. d. 18. f. 3. Castrop. d. 2. p. 6. Aliique communiūs , maximè cum sit contra usum Ecclesiæ , & id prohibetur expressè , saltem de Judæis. Affirmant tamen non improbabiliter saltem de aliis Infidelibus Scotus & Scotista cum Henr: n. 46. , quia Princeps potest adigere subditos ad ea servanda , ad quæ Jure divino & naturæ tenentur , sed jure divino & naturæ tenentur acceptare veram fidem , ergo .

§. 4. Potest, imò tenetur Princeps omnes subditos etiam non baptizatos cogere, ut relinquant errores & vitia , quæ sunt contra naturam , uti sunt

sunt Idololatria, blasphemia &c., prius illa prohibendo per leges, & postea puniendo transgressores: Ratio est, quia tenetur subditos dirigere ad finem gubernationis naturalis, qui est vivere secundum rectam rationem, contra quam sunt tales errores & vitia, quae præterea maximè dehonestant Remp., uti pluribus *Lugo.* n. 116. & *Herin.* q. 5., Si tamen illi infideles non sint subditi, communis est sententia non posse cogi, quia in illos nullam habent jurisdictionem, neque Ecclesia neque Principes Catholici; poterunt tamen etiam armis impediri à peccatis, quae sunt nociva innocentibus, saltem si hi permittant: Item quae sunt injuriosa Religioni, quia defensio innocentum & fidei est illis licita, uti recte cum aliis *Herinx* suprà.

§. 5. Principes Infideles non baptizati non possunt privari Jurisdictione in eos, qui fideles sunt, aut se ad fidem convertunt, Ecclesia tamen prohibet, ne Princeps Christianus Infidelem praeficiat Infidelibus cap. *cum sit nimis*, de Judæis & Saracenis: Posse autem Infidelem privari dominio proprietatis in fideles veluti servos, idque ob honorem fidei, quamvis abesset periculum perversionis, docent *S. Thom.* a. 10. *Bann. Lorc.* & Alii, negant *Nav. Covarr. Suar.* & Alii communiter, nullibi enim legitur hanc potestatem esse Ecclesiæ concessam: possent tamen Fideles, si eorum fides periclitaretur, aut si in exercitiis fidei paterentur injuriam, excutere tale servitium, immo jus positivum suprà privat infidelem subiectum Christiano Principi dominio servi, hoc ipso quod hic fiat Christianus, quae omnia pluribus deducunt *Lugo* & *Herinx* q. 6.

DU.

D V B I V M II.

De Judaismo.

Queritur hic tantum, quæ communicatio cum
Iudeis sit interdicta Christianis.

Resp. I. His casibus; qui colliguntur ex c.^o 82
Nulli.c. *Judæi &c:* De Judæis, 1. Non licet coha-^o
bitare. 2. Nec conviviis interesse. 3. Nec uti com-^o
muni balneo. 4. Nec medicos adhibere. 5. Nec^o
medicinas ab iis datas recipere; emere tamen^o
licebit præscriptas, 6. Nec Iudæorum filios e-^o
nutrire in ipsorum domibus. 7. Lis non famula-^o
ri. 8. Nec servitute subjici. 9. Prohibentur pu-^o
blicis officiis inter Christianos fungi. 10. Veti-^o
tum est eorum azymis vesci. Quibus addit A-^o
cor, prohibitum esse, accedere ad eorum nu-^o
ptias, festa, Synagogas, cum eis ludere, saltare^o
&c. Ratio horum est, tum ut conservetur digni-^o
tas Christianæ religionis, tum ut caveatur fa-^o
niliaritas cum Iudeis, & periculum perversio-^o
nis, v. *Lay. l. 2. t. 1. c. 17. Sanch. l. 2. c. 31. Fill. tr.*^o
12. num. 128.

Resp. II. In decem dictis casibus communica-^o
re cum Iudeis, ex genere suo videtur esse mor-^o
tale. Ratio, quia si Clericus id faciat, incurrit pe-^o
nulum depositionis: Laicus vero excommu-^o
nicationis: (: Cap: *Constituit*, 17: q: 4:) quæ non^o
nisi ob peccatum mortale imponi solet. Dixi^o
ex genere suo; quia probabile est, vel ob mate-^o
ria

»riæ parvitatem, vel ob necessitatem, aliamve
»causam rationabilem (si tamen non sit pericu-
»lum perfidiæ, nec familiaritatis cum Judæis)
»sæpe excusari à mortali, aliquando etiam ab o-
»mni peccato. Ita communiter. v. Auth. supra cit.
»Et Bon. d. 3. q. 2. p. 6. item Laym. l.c.

ADDENDA.

83 Q. 20. Quomodo intelligenda sint ea, que prohibentur in fure circa communicationem cum Judæis.
R. Non prohibetur omnis communicatio, hinc Per. March. t. 2. t. 2. t. 2. s. 3. q. 4. ait: Certum est leges omnes antiquas conversationem Judæorum prohibentes, modo secundum omnes suas partes non esse in usu ubique.

§. 1. Si absit periculum irreverentiæ, potest Judæo dari panis benedictus, aqua benedicta &c.; Item potest Judæus invitari ad concionem aut Missam, si per hoc sit spes eum convertendi: ita Lugo & alii cum Steph. t. 3. d. 1. n. 43.

84 §. 2. Non est prohibitum habere servos aut conservos Judæos, ita Suar. Sanch. Bonac. Putatque Con:, quando Fidelibus prohibetur habitatio cum Judæis, intelligi solùm habitationem, in qua Christianus sit subditus Judæo.

§. 3. Non peccat Christianus, qui vel invitatus à Christiano vel etiam casu concurrens in eadem mensa comedit cum Judæo, licet à Judæo cibos acciperet, nam nec est invitans illum nec invitatus ab illo, ita Sanch. & Bonac. Addunt Az. & Con. illam tantùm comedionem cum Judæo prohiberi, in qua Judæi discretionem ciborum observant secundùm legem Mosaicam.

§. 4. Tum tantùm prohibitum est cum Ju-
dæo

dæo balneum , si hoc fiat ex condicto & per modum societatis , non autem si alter sequatur nesciens de altero , uti Steph: suprà .

§. 5. In casu gravis necessitatis semper fuit licitum uti Judæo Medico , v. g. si hic est notabiliter doctus , vel morbus indigeat multis Medicis & Christiani non sufficientant, ita *Sanch. Bonac. Suar. Con. & Alii. Merchant.* suprà ait , videmus passim Medicos *Judæorum ad infirmos vocari* , etiam per titulatos & probos : per receptionem autem medicinalium putant *Suar. Sanch. & Bonac.* tantum prohiberi illas , quas Judæi per manus & ministerium suum præstant , uti sunt , si Judæus venam incidat Christiano , aut ipse met medicinas applicat velut Chirurgus , hæc tamen licent in gravi necessitate : uti semper licet permittere , ut à Judæo sibi radatur barba vel capilli & similia , hæc enim nullibi prohibentur . Probabilius quoque est contra *Sanch.* , quod Christiano liceat medicinas adhibere Judæo , quia prohibitio non est extendenda ultra casus in Jure comprehensos .

§. 6. Tantum prohibitum est famulari Judæo , 86
abitando in propria domo Judæi , illi enim soli propriè dicuntur famuli , ita *Bonac. Con. & alii contra Sanch.* , hinc licebit extra domum famulari Judæo , v. g. conduci ad operas , esse colonum vel agricolam etiam originarium , hi enim propriè non sunt servi , ita *Laym. I. 2. t. 1. c. 16.*
item licebit die Sabbathi eos adire & illis coquere .

§. 7. Illa sola comedatio Azymorum est probita , quæ ritu Judaico fit , id est , quæ fit ex observatione legis Mosaicæ ; & illa ex qua hoc scandalum

dalum posset generari, ita *Suar.* & *Con.*

88 §. 8. Non licet Christiano facere Judæum hæredem vel legatarium, quamvis esset consanguineus, ita *Silv.* *Suar.* *Sanch.* & *Alii*, *Con.* tamen notat attendendam esse consuetudinem.

89 §. 9. Ea solùm familiaritas cum Judæo prohibetur, ex qua periculum perversionis vel scandalum timeri potest, uti communiter habent Authores; licitum est autem Christianis in fide confirmatis, qui in conversionem Judæorum incumbunt, cum Judæis familiariter agere & cibum capere, quia hic non est periculum perversionis, cum in fide stabiliti sint, uti suppono; neque scandali, cum fiat ad eos convertendos, ita *S. Thom.* *Sanch.* *Laym.* & *Alii*.

90 §. 10. Illæ prohibitiones de Judæis non sunt extendendæ ad omnes Paganos, neque ad alios casus vel contractus in Jure non expressos, quia prohibitio, utique odiosa, non est extendenda extra verba legis, ita *Sanch.* & *alii*: hinc non est prohibitum accedere ad nuptias spectandas, vel festa, vel ritus in synagoga, si absit periculum perversionis & scandali, hæc enim in Jure non prohibentur, uti nec ludere vel saltare cum Judæis, licet contrarium putet *Azor* citatus à *Bussenb.* Hactenus relata docet & latè probat *Castrop.* d. 2. p. 9.

91 §. 11. Notat *March.* Reg: 2. & 3. etiam illicita esse Christianis hæc duo, in primis venditionem sacræ supellectilis Judæo factam; deinde matrimonium cum Judæo; & de hoc patet, cum disperitas cultūs sit impedimentum dirimens.

DUBIUM

D V B I V M III.

Quid sit heres.

Resp. Hæresis, est error intellectus, liber & ⁹² pertinax contra fidem, in eo, qui fidem suscepit. ⁹³ Ita comm. Suar. Rec. c. 14. q. 2. Unde patet, ad Hæresim, uti & Apostasiam, duo requiri: 1. Iudicium erroneous, quod est ejus quasi materiale. 2. ⁹⁴ Pertinaciam, quæ est quasi formale. Porro pertinaciter errare, non est hic acriter & mordicus ⁹⁵ suum errorem tenere, aut tueri, sed est eum retinere, postquam contrarium est sufficienter ⁹⁶ propositum sive quando scit, contrarium teneat à reliqua universalis Christi in terris Ecclesia, ⁹⁷ cui suum judicium præferat; sive id fiat ex vanagloria, sive libidine contradicendi, aliaque causa. ⁹⁸ Ita Sanch. Vasq. Lay. l. 2. t. 1: cap. 13. & alii commun. ⁹⁹ Ratio, quia tunc putat, judicium Ecclesie non esse sufficiens fundamentum credendi, quæ est vera pertinacia: quam cum Koninc facilius sic explicant alii, eam tunc esse, cum et si objectum fidei credibiliter proponatur, ita ut prudenter de eo non possit dubitare, contrarium tamen judicet, à quo nolit avelli ullo casu, vel saltem nisi evidenter convictus, v. Kon. d. 18. Unde resolv. I. Non est hereticus, qui exterius tantum fidem negat, aut adorat idolum. Ratio, quia non errat. ¹⁰⁰ Neque talis incurrit in foro conscientiae censuras latas contra hereticos, et si in foro externo secundum externa procedatur. Fill. t. 22. c. 6. q. 4. ¹⁰¹ II. Est hereticus, qui affirmativè de aliquo articulo fidei dubitat, hoc est, judicat esse du-

F

bium

„bium. Duxi *affirmative*, quia negativè tantum
„dubius, hoc est, suspendens judicium, per se &
„simpliciter non est hæreticus, quia non habe:
„judicium; ergo nec errorem: modò tamen non
„ideo suspendat, quòd virtualiter judicet, non
„liquere de certitudine objecti. *Sanch. Azor. l. 8.*
„c. 9. q. 5. *Tol.* contra *Sanch. & Malderum.*

„ III. Nemo est hæreticus, quàm diu paratus est
„judicium suum Ecclesiæ submittere, aut nescit
„contrarium tenere veram Christi Ecclesiam;
„estō ex ignorantia etiam culpabili & crassa sen-
„tentiam suam mordicus tueatur. *Lay. l. c. n. 2.*

„ IV. Nec est hæreticus, qui ita dispositus est,
„saltem habitualiter; ut à suo errore esset disces-
„sus, si sciret esse contrarium fidei; dummodo
„pertinaciam actualem nunquam habuerit. *Ibid.*
„& *Kon. l. c.*

„ V. Rustici, aliquique homines simpliciores in
„Germania, qui hæretici habentur, & tamen per-
„tinaces non sunt, possunt absolvī à suis Paro-
„chis. *Ratio*, quia non sunt hæretici formales, ha-
„bentque fidem Catholicam in Baptismo acce-
„ptam; quæ non perditur, nisi errando pertina-
„citer. *Lay. l. c. n. 4.*

„ VI. Cùm hærefis, & quævis infidelitas mor-
„tal is sit, peccant quóque mortaliter, qui ejus
„periculo se exponunt, sive conversando, sive
„conclaves audiendo, sive libros legendo; Quæ
„proinde, si cui periculosa sint, illicita sunt jure
„naturæ: si verò periculum absit, lectio librorum
„hæreticorum nihilominus illicita est jure po-
„nitivo Ecclesiæ; uti etiam formalis disputatio
„Laici de fide: Quod posterius tamen in Germa-
„nia locisque similibus, ubi Catholici hæreticis
sunt

sunt permixti, abrogavit consuetudo. Azor, Fill.²²
Bec. Sanch. Bon. di. 3. q. 2. p. 5.

VII. Matrimonium contrahere cum hæreti-²²
ca, et si per se sit illicitum, habeaturque in Hi-²²
spania & Italia mortale; probabile tamen est, ob-²²
gravem Doctorum auctoritatem (Sanch. de mat.²²
to. 2. l. 7. d. 72. n. 5. Azor t. 1. l. 8. c. 11. q. 5. Regin.²²
tr. 2. l. 32. n. 169. Basilius Pontius de mat. c. 6. v.²²
Lugo de Sacramentis in genere, di. 8. f. 14. nu. 220.)²²
in Germania licere, ex gravi causa salvo tamen-²²
jure naturali, & semoto periculo, tum contra-²²
hentis, tum prolium; unde de iis initio consti-²²
tui debet, ut Catholice edacentur, v. Bec. l. 5. c.²²
19. Dian. p. 3. t. 4. R. 269.

VIII. Eum, qui lapsus est in hæresin, non te-²²
neri in confessione explicare, qualis illa sit, eò
quod omnes ejusdem speciei sint, docent Regin.²²
Dian. to. 1. tr. de circumst. R. 46. citans alios: &²²
Escob. Ex. 2. c. 6.

Alii tamen contrarium tenent, quos sequitur²²
Lug. de pen. d. 16. n. 288. & n. 291.

A D D E N D A.

Q. 21. An præsumi possit in Germania esse ali- 93
quos, qui sunt hæretici materiales tantum. Bz. Sunt
qui dubitent, nec immeritò:

§. 1. Pro parte negativa sunt hæc argumen-
ta: 1. Hæretici in Germania sciunt de fide nostra,
neque possunt vel audent eam damnare aperte
falsitatis, sed debent judicare esse saltem proba-
biliorem, pro sua enim fide, si argumenta con-
siderent, non possunt habere evidentiam credi-
bilitatis, ergo debent dubitare de sua, & exa-
minare nostram, quod tamen negligunt, nam si

examinarent, & inspicerent Notas veræ Ecclesiæ,
 ac animo indifferentे discuterent, an eæ inven-
 iantur in Ecclesia sua an in nostra, manifestè
 comperirent stare pro nostra & non pro sua, er-
 go quod id non agnoscant, est defectus inqui-
 sitionis, ad quam obligantur, ergo ignorant vin-
 cibiliter & culpabiliter, ac consequenter non ex-
 cusat^mur ab hæresi formalⁱ. Si dicas, non inci-
 dere ipfis cogitationem de illa obligatione in-
 quirendi, contrà est, quia nullus erit, qui vel per
 inspirationem Dei, vel per instinctum aut scrupu-
 lum internum ad id non excitetur; his autem
 ipfi resistunt, quod non deberent, cùm careant
 evidentiâ & certitudine de veritate suæ sectæ,
 maximè defectu Notarum veræ Ecclesiæ. 2. Sci-
 unt multa affingi nobis, v. g. quòd adoremus
 Sanctos vel Imagines, & quamvis dicatur ipfis
 eam non esse doctrinam nostram, manent in suis
 præjudiciis, nec dignantur in veritatem inquire-
 re, ergo ignorantia est ipfis volita. 3. Sæpe sunt
 ita constituti, ut ideo non velint fieri Catholici
 aut in veritatem fidei inquirere, quia sui Parentes
 & Proavi non fuerunt Catholici, aut quia amis-
 suri essent opes, honores, officia; essent irriden-
 di, persequendi ab aliis; dicerentur inconstantes
 &c.; hæ autem causæ non excusat, quia sunt
 respectus humani & rationes purè naturales, quæ
 pro salute animæ contemnendæ forent. 4. No-
 lunt credere fieri miracula, quæ fide saltem hu-
 manâ possent & deberent credere, uti fide hu-
 manâ credunt alias historias, v. g. de bello vel
 victoria alicubi relata; quòd si fidem humanam
 adhiberent miraculis pro fide nostra factis, hoc
 ipso propriis accederent ad veritatem, & illu-
 minat^m

minarentur à Deo. §. Multi fuerunt & sunt in Ecclesia Catholica Viri sancti & docti, qui in oratione, multa discunt à Deo, multa prædicunt spiritu propheticō &c:, hæc audiunt hæretici in Germania, hæc sciunt: è contrà etiam noverunt apud suos talia non fieri: hæc ratio, inquit, *Caram.* in Hercule Log. lab. 3. pag. 66. me summopere mó-
rit. Tamen,

§. 2. Probabilius videtur, quod etiam in Germania sint hæretici tantum materialas: inveniuntur enim aliqui ita simplices vel præventi doctrinâ suorum Ministrorum, ut firmiter existimant se non debere dubitare de fide sua; simulque ita sincerè procedunt cum Deo in conscientia sua, ut si scirent fidem suam esse falsam, statim admitterent nostram: tales autem non sunt hæretici formales sed materiales tantum: Et tales esse multos testantur Confessarii plurimi in Germania Auctoresque experientissimi, *Tann.* Tom. 3. d. 1. q. 8. d. 1. n. 10. *Teril.* in Reg. q. 64. n. 51. *Gob.* tr. 7. n. 621. *Reiffenst.* t. 4. d. 4. q. 2. n. 19. *Sporer* in mor. t. 2. c. 3. f. 2. §. 2. n. 14. Vide *Vind. Gob.* p. 2. prop. 3. Hoc miserandum est cum illis, si in aliud peccatum mortale incidunt, quod omnino pronum est ejusmodi hominibus, eos gratiâ præcipuorum Sacramentorum destitui & communiter damnados, non ex defectu fidei (suppono enim, quod credant necessaria necessitate medii) sed propter alia peccata, quæ commiserunt, & à quibus non expiantur, neque per Sacramentum pœnitentiæ, quod apud ipsos non est, neque per contritionem vel amorem perfectum, ad quem, præterquam quod difficillimum sit ejusmodi homines ad eum per-

tingere, ipsi tamen non attendunt, nec commu-
niter curant, nec student elicere, putantes se per
solam fidem & fiduciam in Christum justificari,
quā damnabili confidentiā pereunt miserrime.

95 Q. 22. *Quid observandum sit circa matrimonia
cum hæreticis.* R. Seqq.

§. 1. Gob. In Exper. t. 9. n. 216. & Verju. t. 33.
a. 5. rectè probant matrimonia personæ hæreti-
cæ cum Catholica regulariter esse illicita, tum ob
periculum perversionis, tum maximè, quia pro-
les facile possent ad hæresin deflecti: Nilominus
Sanch. Az. Veri. a. 6. Lef. in auct. V. Hæreticus,
cas. 23. putant tum licere. 1. Si absit periculum
perversionis. 2. Si detur libertas educandi pro-
les Catholicæ. 3. Si non facile sit invenire parem
& convenientem inter Catholicos. 4. Dum-
modo hæreticus non fit vitandus. 5. Si fit con-
suetudo ibi, ita ut absit scandalum: & horum
unum si desit, non licebit: hæc omnia autem vix
concurrent; additque Gob. quòd Authores, qui
dicunt id licere, non sciant, quomodo agatur in
Germania.

§6 §. 2. Quando reliquæ conditiones adsunt,
quamvis absit aliquod periculum perversionis,
si tamen non sit proximum, licebit tale matri-
monium ex gravi causa, uti tenent Lugo d. 22. n.
22. Arsdeck. t. 2. p. 2. t. 6. in Ref. de Hæresi q. 25.
Veriu: suprà, quia spes magni fructus prævalere
potest tali periculo remoto. Nec refert, quòd per-
sona hæretica sit illicite & in peccato mortali
contractura, nam id per accidens est, & gravis
causa excusat cooperantem actioni, quam alter
posset bene facere, uti dicetur à n. 255.

§7 §. 3. Docet Lugo n. 31. ad tale matrimonium
opus

opus esse dispensatione , quod intelligit de locis, in quibus consuetudo est in ejusmodi dubiis recurrendi ad Papam , quia Ecclesia meritò potuit sibi reservare judicium, an sufficiat causa, vel non præponderet periculum mali ; Notant tamen Lugo n. 17. Arsdeck. q. 24. Aliisque contra *Sanch.* & *Pont.* nō esse opus dispensatione, si pars hæretica promittat conversionem, credaturque id serio facere , id enim expressè excipitur in Jure ; imò putat *Hurt.* sufficere spem conversionis ortam ex ipsius indole vel aliunde , sed contradicunt Lugo & *Arsdek.*

§. 4. Notant communiter Authores, si alium- 98
de causæ adsint , facilius permitti posse , ut Catholicus cum hæretica , quām ut hæreticus cum Catholica jungatur matrimonio, quia vir majore autoritate pollens facilius trahet uxorem & proles ad suam fidem.

§. 5. Non licet pactum inire de ulla prole educanda in hæresi , nequidem hoc permitendo , tale enim pactum est impium & irritum, uti omnes docent post *Sanch.* de matr. l. 7. d. 72. n. 6. , quia Parentes ex Jure Naturæ tenentur omnes suas proles educare in vera fide : *Tann.* tamen de Matr. d. 8. q. 4. n. 91. dicit in casu , ubi matrimonium cum persona hæretica licitum est & valde utile ad bonum commune , non esse illicitum addere pactum , ut aliqua saltem pars prolium educetur catholicè , nihil interim præjudicando Juri Catholicæ Parentis circa reliquas proles , quas postea pro viribus tenebitur educare in vera fide.

§. 6. Catholicæ Parocho licitum est benedictio nuptias personæ Catholicæ eum acatholicæ,

idque in gratiam personæ Catholicæ, quæ Jure illo privari non debet, uti recte Lugo d. 14.n.158; & Arsdek q. 27. cont. Sanch. d. 3. n. 13. Etiam in Germania ex justa causa licet assistit matrimonio, quod duo hæretici in sua parochia habitantes contrahunt, uti habent Laym. & Gob. n.498; illicitum tamen est benedicere illis nuptiis, nam indigni sunt benedictione ecclesiasticâ, qui ceremonias Ecclesiæ damnant, ita Tann. n. 93.

100 §. 7. Si post contractum matrimonium & susceptas proles sit Parenti Catholicò moraliter possibile facere, ut proles edacentur catholicè, ad hoc sub mortali tenetur, uti jam insinuatum est, seposito omni respectu humano & etiam cum incommodo; unde si non faciat, instrui debet de obligatione, quam si non promittat implere, & postea non impleat, non est dispositus ad absolutionem. Si autem parens ille prævideat gravissima incommoda ex eo, quod Uxorem coget ad proles catholicè educandas, quæ subire vel pati censeatur moraliter impossibile imbecilliti humanæ, uti sunt exilium, privatio bonorum, jurgia gravissimæ cum Uxorè, non tantum ad breve tempus, sed certò duratura in perpetuum; permettere potest educari acatholicè, nam moraliter impedire non potest, sed adhuc monendus de gravissima obligatione naturali, ut quantum potest, ipse suo loco & tempore proles instruat catholicè, & animandus, ut contemptu metu, si fortè sit, uti sæpe est, vanus, audeat tentare aliquid pro Deo & animabus prolium à se repetendis in extremo die.

101 §. 8. Ex dictis recte infert Steph. t. 3. d. 1. n. 44., quam malè faciant illi, qui proles suas mitunt ad terras hæreticas, ut ibi, v. g. discant mer-

.catu-

caturam vel studeant, paulatim enim inbibunt, aut saltem molliuntur ad errores, incipiunt liberiis transgredi præcepta Ecclesiæ &c. Idem dicit de illis, qui sine rationabili causa multum conversantur cum hæreticis, nam ad eadem veniunt, falsas propositiones sibi imprimunt, & quando hæreticorum conversatio ac mores magis placent, incipiunt minus affici ad Catholicos.

Q: 23. An liceat famulari hæretico. R: De hoc 102 fusè agit Gob. in Quin. t. 5. c. 33. a. n. 93. & in Exp. t. 5. a. n. 313., cum quo in plerisque consentio, unde sit,

§. 1. Si quis famulans hæretico, ob conversationem illam sit in proximo periculo deficiendi à Fide, Jure naturæ tenetur statim discedere cum quocunque etiam incommodo, quia non licet permanere in proximo periculo peccandi, uti dicetur I. 5. à n. 252.

§. 2. Licet periculum illud absit, si tamen famulus impediatur in observatione præceptorum Ecclesiæ, v. g. quia debet carnes diebus ventitis comedere, festis laborare serviliter, negligere Missâ &c.: servitiū est illicitū, nisi excuset notabile incommodum, uti recte Nav. Bonac. Sanch. Surar. Laym. & Alii communiter cum Castrop. t. 22. p. ult: n. 6. Ratio est, quia præcepta Ecclesiæ ad suâ observationem obligant, nisi grave damnum intercedat, tum autem esset grave damnum, si vel deberet amittere suum salarium, vel non posset invenire Dominum Catholicum, à quo acciperet ultra dimidium illius, quod ab hæretico accipit; si tamen à Catholicô tantum accipere posset, v. g. 6 florenos, & ab hæretico 7:, non esset notabile damnum: quod si 4 tantum accepturus esset à Catholicô, videtur respectu ipsius

fore notabile dampnum , nisi aliunde haberet , quo ordinariis suis necessitatibus sufficienter provideret.

104 §. 3. Si raro impediretur ab observatione festi , liceret servire haeretico , dummodo aliud nihil obstat : Ratio est , quia etiam difficile est reperire Dominum Catholicum , qui quandoque ita non impedit famulum , uti recte *Suar. & Laym.* ; si quis autem singulis mensibus bis deberet impediri , ille non raro , sed frequenter impediretur in anno .

105 §. 4. Si quis communiter impediatur die festo , quominus templum adeat , sed ex justa causa , quia ne in peccato occupatur in ministerio juxta vivendum modum necessario , v. g. quia debet custodire pecora , vigilare in excubiis militaribus , navigare in mari per duos tresve menses , esse tabellarius per loca haeretica , non ideo tenetur deferrere Dominum haereticum vel officium , ita *Laym. Sa. Gob.* Ratio est , quia illa etiam apud Dominos Catholicos excusat ab observatione praceptorum Ecclesiarum .

106 §. 5. Si quis ex justa causa serviat haeretico , & diebus vetitis habeat unum ferculum quadragesimale ultra panem , non licet illi vesci carnibus , quia etiam famuli apud Catholicos talibus diebus debent ita contenti vivere : si omnia alia negarentur , ut sic adigeretur ad carnes , non licet ei comedere , nisi præviâ expressâ protestatione , quod ex necessitate faciat , alioquin ageret in contemptum fidei : Causa autem sufficiens ad carnes tum comedendas non est periculum irrationis , sed necessitas , quia vita aliter sustineri , vel labor debitus persolvi non potest .

§. 6.

§. 6. Antequam quis addicat operam hære-
tico, debet expressè apponere conditionem, ut
permittatur observare præcepta Ecclesiæ, alio-
quin exponit se proximis periculis non obser-
vandi præcepta illa, ad quæ hic & nunc tenebi-
tur; poterit autem appositâ tali conditione tol-
lere impedimentum proximum, ergo ad hoc te-
netur.

Q: 24. An licitum sit Catholico administrare offi- 108
cium politicum apud hereticos. R: Licitum est, si offi-
cium nullam habeat communicationem cum
ipsa hæresi; si autem talem communicationem
vel cooperationem habeat annexam, v.g. quia
débet instituere Prædicantes, aut quoquo modo
ordinare ministeria ad hæresin spectantia, est illi-
citum, quia non licet cooperari ad hæresin, neq;
eam defendere, ad quod tamen ejusmodi Offi-
ciales sæpe tenebuntur: neque hic est tantum
materialis cooperatio, nam agunt tanquam sub-
ordinati intentioni supremi Principis hæretici,
cujus autoritate ea faciunt, ergo etiam directè
& formaliter tendunt in malum, quod Princi-
pes illi intendunt, ita Pet. March. t. 2. t. 2. t. 2. f.
5. q. 3. d. 1.

Q: 25. An liceat Catholico promovere, v.g. ad Pa- 109
rochiam, aliquem Ministrum hæreticum, quem putat
minus nocitrum veræ Religioni. R: Si id faciat per
consilium tantum, vel per process & intercessio-
nem, licitum est, quia potest consuli minus ma-
lum, ut impediatur majus alioquin eventurum:
& tum non consulit absolute malum, sed sub
conditione, si alter eorum aliquem est electurus,
ut eligat hunc præ illo: hinc etiam secundum
Lugo d. 14. n. 170. non videtur illicitum, si Pa-
tronus

tronus Catholicus, ob jus, quod habet, præsentet & eligi velit unum Parochum hæreticum præ alio pejori, ubi hæreticus præsentari & eligi debet, nam præsentat illum ad actus, quo ex voluntate saltem præsumpta Ecclesiæ potest exercere: quod si ipse postea velit sine titulo redditus ecclesiasticos sibi retinere, aut exercere ministerium suum ritu hæretico, ad hoc permissivè se habet Patronus, cui solùm intendit impedire majus malum, neque intendit malum simpliciter, sed præeligit minus, prout est impeditivum majoris; Denique ipsius voluntas non deseruit neque subordinata est voluntati alicujus alterius intendentis malum, uti siebat in casu n. 108.

110 Q.: 26. *An liceat hæreticos sepelire in loco sacro.* ¶
§. 1. Si quis hæreticus ante mortem dederit manifesta signa conversionis, quamvis ab hæresi absolutus non sit, potest in loco sacro sepeliri, ita Laym. I. 1. t. 5. p. 2. c. 4. n. 9., ubi dicit ad vitandum scandalum prius esse admonendum Episcopum.

111 §. 2. In quibusdam Germaniæ locis ex longa consuetudine permittitur, ut notoriè hæretici in locis sacris sepeliantur à suis Ministris, ita post Laym. & alios Lugo d. 14. n. 159., docens cum Nav. Verj. & aliis, Ecclesiam etiam non violari per sepulturam ullius hæretici, nisi fuerit nominatim denunciatus vel publicus percussor Clerici. Addit Lugo n. 160. Si Ministri hæretici publicâ authoritate usurpent sibi jus sepeliendi etiam Catholicos, non licere cooperari, sed posse permitti, quod impediri non potest.

112 §. 3. Verj. t. 4. a. 9. universaliter docet, per Jus canonicum, etiam præscindendo à consuetudi-

ne,

ne, non excludi à sepultura in loco sacro, nisi hæreticos nominatim excommunicatos, sed, uti notavit Laym., observanda est consuetudo locorum; nullo modo tamen debet Sacerdos Catholicus ad ejusmodi sepulturam concurrere more catholico, adhibendo ceremonias Ecclesiæ, sic enim profiteretur fuisse ovem suam, & ex iudicio Ecclesiæ dignum esse ejusmodi favoribus, suffragiis, orationibus, quod falsum est, & esset causativum scandali gravis in populo Catholicō.

Q. 27. An in locis, ubi adhuc vigeret vetus calendarium, licitum sit festa & jejunia secundum illud obserbare. R^e. Less. V. *festa Ecclesiæ*, cas. 7: putat, si novum calendarium ibi fuerit receptum & lapsu temporis comprobatum, non licere sequi vetus, quia hæretici non possunt legem Ecclesiæ, maxime usu receptam, abrogare, ergo Catholicī, nisi adsit gravis causa excusans, tenebuntur sua festa & jejunia celebrare secundum novum. His contradicit *Veri. a. 21.*, docens posse se conformare stylo locorum, in quibus sunt, idque esse convenientis ad vitandas plurimas confusiones, quæ ex illa difformitate oriuntur; neque hoc est contra mentem Ecclesiæ, quæ novit ita fieri & non contradicit.

Q. 28. An sit obligatio denunciandi hæreticos for- 114 males. R^e. Hoc resolvetur n. 215.

Q. 29. Quis possit absolvere ab hæresi. R^e. Hoc dicitur de pœni:, quando agetur de casibus referbatis.

De libris hæreticis dicemus l. 7., quando de excommunicatione.